



KONKURS ZA UČESTVOVANJE NA PARLAMENTU MLADIH SLIVA RIJEKE SAVE 2026

U okviru organizovanja **14. Parlamenta mladih sliva rijeke Save (Parlament mladih)**, čije se održavanje planira u oktobaru 2026. godine, Međunarodna komisija za sliv rijeke Save (Savska komisija) raspisuje konkurs za učestvovanje pod nazivom:

„RIJEKE NAM ŠAPUĆU. RAZUMIJEMO LI IH?”

Pravila konkursa

1. UČESTVOVANJE

Na konkurs se mogu prijaviti timovi iz država članica Savske komisije (Bosna i Hercegovina, Republika Hrvatska, Republika Slovenija i Republika Srbija), i to:

- **timovi učenika srednjih škola** – Svaka srednja škola može učestvovati s jednim ili više timova učenika, s mentorom (profesorom) na čelu. Timovi se sastoje od 5 učenika. Svaki učenik može biti član samo jednog tima, dok jedan mentor može biti na čelu više timova.
- **timovi mladih uzrasta od 18 do 25 godina koji su završili srednju školu** – Broj članova tima ograničen je na 2-5 osoba. Svaka osoba može biti član samo jednog tima.

Svaki tim može učestvovati u konkursu samo s jednom prijavom.

2. OVOGODIŠNJA TEMA

Ovogodišnji Parlament mladih fokusira se na ekološki status voda i važnost očuvanja zdravih vodnih ekosistema za prirodu i društvo.

Rijeke, potoci i jezera su više od same vode:

- dom su raznolikim biljnim i životinjskim vrstama
- izvor su pitke vode
- pomažu poljoprivredu, ekonomiju, turizam i rekreaciju
- oblikuju kvalitet života u našim zajednicama

Kada kvalitet vode opadne ekosistemi se narušavaju, gubi se bioraznolikost i pogođene su zajednice i ekonomija. Razumijevanje faktora koji utiču na vodu — i načina kako je možemo zaštititi - ključno je za održivu budućnost.

Ovogodišnja tema zasniva se na **Okvirnoj direktivi EU o vodama (WFD, 2000/60/EZ)** - ključnom evropskom dokumentu za upravljanje vodama. Direktiva promoviše holistički pristup upravljanju vodama na nivou riječnih slivova, uz glavni cilj – postizanje dobrog ekološkog i hemijskog statusa svih voda.

Konkursom se želi podstaknuti mlade da bolje razumiju važnost dobrog ekološkog statusa voda i razmisle kako i sami mogu pridonijeti poboljšanju postojećeg stanja te očuvanju vodnih resursa za buduće generacije.

3. ZADATAK

Istražite stvarni problem vezan uz vodu u svojoj lokalnoj sredini.

Zapitajte se:

- Kakav je status rijeke (ili jezera) u vašem području „porječju“?
- Šta ugrožava njihovo zdravlje?
- Šta se može učiniti da se njihov status poboljša?

Zatim predložite jasno, kreativno i izvedivo rješenje.

4. FORMAT

VIDEO

Izradite video od maksimalno 5 minuta u obliku mini dokumentarca ili storytellinga na jednom od službenih jezika Savske komisije sa titlovima na engleskom

👉 Prikažite problem. Ispričajte priču. Predložite rješenje.

ANALITIČKI RAD

Napišite „policy brief“- analizu s prijedlogom rješenja od maksimalno 3 stranice , uz dodatak infografike (postera) kojim ćete vizuelizirati probleme, posljedice i rješenja.

👉 Objasnite problem. Analizirajte uzroke. Predložite mjere.

5. PRIJAVE NA KONKURS

Timovi se prijavljuju na konkurs e-mailom na adresu jsrbc@savacommission.org do **27.5.2026.** slanjem svojih radova i prijavnice koja se nalazi u prilogu, a koja se može popuniti na jednom od službenih jezika Savske komisije ili na engleskom jeziku. Prijavnica se dostavlja u tekstualnom formatu (DOCX/DOC).

6. ODABIR NAJBOLJIH RADOVA

Stručni ocjenjivački žiri pregledaće i ocijeniti sve pristigle radove.

Tražimo ideje koje su:

- ✓ Relevantne – jasno povezane sa statusom voda i WFD-om
- ✓ Pronicljive – pokazuju razumijevanje problema
- ✓ Praktične – realne i primjenjive
- ✓ Kreativne – zanimljive i originalne
- ✓ Jasne – dobro strukturisane i lako razumljive

Među prijavama timova učenika srednjih škola žiri će odabrati **po dva najbolja rada iz svake države** (ukupno 8 timova), dok će među prijavama timova mladih uzrasta od 18 do 25 godina odabrati **ukupno dva najbolja rada** (2 tima).

Svi timovi će biti pozvani da **predstave svoje radove na online radionici koja će se održati 1.6.2026. u okviru obilježavanja Dana Save**. Učestvovanje na online radionici nije obavezno i nije uslov za učestvovanje na konkursu, ali je poželjno da se odazove što više timova.

7. NAGRADE

Osam timova učenika srednjih škola (po dva iz svake države u slivu Save) i **dvije grupe mladih** uzrasta od 18 do 25 godina, čiji radovi budu ocijenjeni kao najbolji, biće nagrađeni pozivom za učestvovanje na 14. Parlamentu mladih, planiranom za oktobar 2026. u Sremskoj Mitrovici (Republika Srbija). Savska komisija organizovaće i pokriti troškove putovanja, smještaja i prehrane za odabrane grupe.

Po završetku Parlamenta mladih, Savska komisija će na internet stranicama Parlamenta mladih (<http://sava-youthparliament.com/>) i Savske komisije (www.savacommission.org) objaviti radove dostavljene za takmičenje.

8. SAŽETAK ROKOVA

- Zaprimanje radova- **27.05.2026.**
- Online radionica i predstavljanje radova - **01.06.2026.**
- Objava rezultata konkursa - **30.08.2026.**
(internet stranice Savske komisije i Parlamenta mladih)
- 14. Parlament mladih - **oktobar 2026.**
(događaj u trajanju 2 dana)

9. DODATNE INFORMACIJE




Za više informacija o konkursu možete se obratiti Sekretarijatu Savske komisije na e-mail: isrbc@savacommission.org, ili putem telefona - kontakt osoba: Samo Grošelj, tel.: +385 1 488 6960.

10. AUTORSKA PRAVA

Savska komisija ne preuzima nikakvu odgovornost za bilo kakve sporove vezane uz vlasništvo, odnosno za autorska prava nad prijavama koje učesnici pošalju Savskoj komisiji radi učestvovanja na konkursu. Učestvovanjem na ovom konkursu, učesnici su saglasni da njihovi radovi budu javno prikazani i to isključivo u promotivne svrhe i nekomercijalno.

Nakon završetka zasjedanja Parlamenta mladih, Savska komisija će na internet stranicama Parlamenta mladih (<http://sava-youthparliament.com/>) objaviti radove koji su proglašeni najboljima.

Spremni slušati rijeke?

-  Okupite tim
-  Odaberite format
-  Pretvorite svoje ideje u stvarni uticaj

Rijeke šapuću. Vrijeme je da odgovorimo.